

## ՎՐԱՍՏԱՆԻ ԱՆՎՏԱՆԳՈՒԹՅԱՆ ԽՈՐՀՐԴԻ ՆԻՍՏ

### ՔՆՆԱՐԿՎԵՑԻՆ ԵՐԿՐԻ ԱՌՋԵՎ ԾԱՌԱՑԱԾ ՄԱՐՏԱՅՐԱՎԵՐՆԵՐԸ

Փետրվարի 28-ին Վրաստանի վարչապետ Իրակլի Դարիբաշվիլու գլխավորությամբ տեղի ունեցավ Ազգային անվտանգության խորհրդի նիստ:



Նիստում քննարկվեցին համաշխարհային եւ տարածաշրջանային անվտանգության միջավայրի կարեւոր միտումները, այդ թվում՝ Ուկրաինայում առկա ռազմական գործողություններն ու Վրաստանի առջեւ ծառայած մարտահրավերները:

Քննարկվեց նաեւ Ազգային մակարդակի հայեցակարգային փաստաթղթերի թարմացման գործընթացը, այդ թվում՝ «Վրաստանի պետական սահմանի 2023-2027 թվականների համալիր կառավարման ռազմավարության» վերջնական տարբերակը:

## ՀԱՇՎԵՏՎՈՒԹՅՈՒՆ

### ԻՐԱՎԼԻ ՂԱՐԻԲԱՇՎԻԼԻ. «ՄԵՐ ԿԱՌԱՎԱՐՈՒԹՅՈՒՆԸ ՀՆԱՐԱՎՈՐ ԱՄԵՆ ԻՆՉ ԱՐԵՅ, ՈՐ ԱՅՍՕՐ ԵՐԿՐՈՒՄ ՈՒՆԵՆԱՆՔ ԽԱՂԱՂՈՒԹՅՈՒՆ, ԿԱՅՈՒՆՈՒԹՅՈՒՆ ԵՎ ԲԱՐՉՐ ՏՆՏԵՍԱԿԱՆ ԱՃ»

ԵՐԿՐՈՒ ՏԱՐԻ ՎԱՐՉԱՊԵՏԻ ՊԱՇՏՈՆՈՒՄ. ԱՐԴՅՈՒՆՔՆԵՐՆ ԱՎԵԼԻ ՔԱՆ ԳՈՐԱՑՈՒՑԻՉ ԵՆ

Երկու տարի առաջ՝ 2021 թվականի փետրվարի 22-ին, Վրաստանի խորհրդարանը վստահության քվե հանձնեց երկրի նորընտիր վարչապետ Իրակլի Դարիբաշվիլուն եւ նրա գլխավորած կառավարությանը:



Վարչապետ Իրակլի Դարիբաշվիլու գլխավորությամբ Վրաստանի կառավարության երկամյա գործունեության արդյունքների հանրագումարային միջոցառմանը ներկա էին Վրաստանի գործադիր եւ օրենսդիր մարմինների, ակադեմիական շրջանների եւ լրատվամիջոցների, Վրաստանում հավատարմագրված դիվանագիտական կորպուսի, ֆինանսական հատվածի ներկայացուցիչներ:

Վարչապետ Իրակլի Դարիբաշվիլին հիշեցրեց անցած երկու տարիներին երկրի առջեւ ծառայած հիմնական դերերի մասին, խոսեց համավարակրվ պայմանավորված համատարած, գլոբալ անկման պայմաններում գործադիր իշխանության աշխատանքի, երկրի տնտեսության անկումը կանխելու ուղղությամբ կառավարության կողմից գործադրած ջանքերի մասին:

## ՏԱՐԵԼԻՑ

### ՀԱՐԳԱՆՔԻ ՏՈՒՔ՝ ՀԱՅՐԵՆԻՔԻ ՀԱՄԱՐ ՉՈՂՎԱԾ ՅՈՒՆԿԵՐՆԵՐԻ ՀԻՇԱՏԱԿԻՆ



Փետրվարի 25-ին Վրաստանի վարչապետ Իրակլի Դարիբաշվիլին խորհրդային օկուպացիայի օրվա կապակցությամբ ծաղկեպսակներով զարդարեց Կոջորիում գտնվող կուրսանտների հուշահամալիրը:

Կառավարության ղեկավարը հուշահամալիր էր եկել խորհրդարանի նախագահ Շավվա Պապուաշվիլու եւ պաշտպանության նախարար Ջուրանջեր Բուրճուլաձեի հետ:

Գործունեության արդյունքների հանրագումարային խոսքում, վարչապետ Իրակլի Դարիբաշվիլին հիշեցրեց անցած երկու տարիներին երկրի առջեւ ծառայած հիմնական դերերի մասին, խոսեց համավարակրվ պայմանավորված համատարած, գլոբալ անկման պայմաններում գործադիր իշխանության աշխատանքի, երկրի տնտեսության անկումը կանխելու ուղղությամբ կառավարության կողմից գործադրած ջանքերի մասին:

## ՎՐԱՍՏԱՆ - ՀԱՅԱՍՏԱՆ

### ՎԱՐԱԳՆ ԽԱՉԱՏՈՒՅԱԼ. «ԱՇԽԱՐՀԻ ՇԱՏ ԺՈՂՈՎՈՐԴՆԵՐԻ ՀԱՄԱՐ ՀԱՅ-ՎՐԱՅԱԿԱՆ ՀԱՐԱԲԵՐՈՒԹՅՈՒՆՆԵՐԸ ԿԱՐՈՂ ԵՆ ՕՐԻՆԱԿԵԼԻ ԼԻՆԵԼ»

ՎՐԱՍՏԱՆԻ ԴԵՄՊԱՆԸ ՀԱՅԱՍՏԱՆԻ ՆԱԽԱԳԱՐԻՆ ՀԱՆՁՆԵՑ ՀԱՎԱՍԱՐՄԱԳՐԵՐԸ

Փետրվարի 28-ին Հայաստանում Վրաստանի արտակարգ եւ լիազոր նորանշանակ դեսպան Գիորգի Շարվաչիձեն Հայաստանի նախագահ Վահագն խաչատուրյանին հանձնեց իր հավատարմագրերը:



Վահագն խաչատուրյանը, ողջունելով նորանշանակ դեսպանին, շնորհավորեց պատասխանատու նշանակվելու կապակցությամբ եւ արգասաբեր աշխատանք մաղթեց դիվանագիտական ծառայության ընթացքում:

Գիորգի Շարվաչիձենը, շնորհակալություն արտահայտելով Վրաստանի նախագահին, հավատարմագրերը հանձնեց Վրաստանի արտակարգ եւ լիազոր նորանշանակ դեսպանին, որը մեր երկու երկրների յուրաքանչյուր պաշտոնյայի համար մեր ժողովուրդների միջեւ ձեռնարկված դարավոր բարեկամությունը շարունակելու ու զարգացնելու մեծ պարտավորություն է:

(Շարունակությունը՝ 7-րդ էջում)

## ԳՈՐԾՈՂՈՒԹՅՈՒՆՆԵՐԻ ԾՐԱԳԻՐ

### ԹԵՍ ԱՄՎԵԴԻԱՆԻ. «ԱԶԳԱՅԻՆ ՓՈՔՐԱՄԱՍՆՈՒԹՅՈՒՆՆԵՐԻ ՀԱՄԱՐ ՍՏԵՂԾՎԵԼ ԵՆ ԱՎԵԼԻ ԼԱՅՆ ՀՆԱՐԱՎՈՐՈՒԹՅՈՒՆՆԵՐԻ»

Փետրվարի 28-ին Հաշտեցման եւ քաղաքացիական իրավահավասարության հարցերով պետական նախարարի աշխատակազմը ներկայացրեց «Քաղաքացիական իրավահավասարության եւ ինտեգրման 2021-2030 թվականների պետական ռազմավարության» 2023-2024 թվականների գործողությունների ծրագրի նախագիծը:



Հաշտեցման եւ քաղաքացիական իրավահավասարության հարցերով պետական նախարար Թեա Ավալեղիանին գործողությունների ծրագրի նախագիծը ներկայացրեց այդ ուղղությամբ գործող, ժողովրդական պաշտպանին առընթեր Ազգային փոքրամասնությունների խորհրդին, հասարակական այլ կազմակերպություններին:

Թեա Ավալեղիանու խոսքով, փաստաթուղթը մշակվել է ոլորտային նախարարությունների, տեղական ինքնակառավարման մարմինների եւ այլ կառույցների հետ սերտ համագործակցությամբ, քաղաքացիական հավասարության եւ ինտեգրման պետական քաղաքականության հինգ հիմնական առաջնահերթ ուղղությունների շրջանակներում:

Պետնախարարի առաջին տեղակալ Լիա Գիգաուրին ներկայացրեց գործողությունների ծրագրի շրջանակներում 2023-2024 թվականներին նախատեսված միջոցառումներն ու առաջարկված խնդիրների լուծման համար դրանց կարելիությունը:

(Շարունակությունը՝ 4-րդ էջում)

ՀԱՇՎԵՏՎՈՒԹՅՈՒՆ

ԻՐԱԿԼԻ ՂԱՐԻԲԱՇՎԻԼԻ. «ՄԵՐ ԿԱՌԱՎԱՐՈՒԹՅՈՒՆԸ ՀՆԱՐԱՎՈՐ ԱՄԵՆ ԻՆՉ ԱՐԵՅ, ՈՐ ԱՅՍՕՐ ԵՐԿՐՈՒՄ ՈՒՆԵՆԱՆՔ ԽԱՂԱՂՈՒԹՅՈՒՆ, ԿԱՅՈՒՆՈՒԹՅՈՒՆ ԵՎ ԲԱՐՉՐ ՏՆՏԵՍԱԿԱՆ ԱՃ»


ԵՐԿՐՈՒ ՏԱՐԻ ՎԱՐՉԱՊԵՏԻ ՊԱՇՏՈՆՈՒՄ. ԱՐԴՅՈՒՆՔՆԵՐՆ ԱՎԵԼԻ ՔԱՆ ԳՈՐՀԱՅՈՒՑԻՉ ԵՆ

(Սկիզբը՝ 1-ին էջում)

սօր երկրում ունենանք խաղաղություն, կայունություն եւ բարձր տնտեսական աճ: - Օգտվելով առիթից՝ ցանկանում եմ եւս մեկ անգամ ամփոփել Վրաստանի սոցիալ-տնտեսական, ֆինանսական համակարգի հաջող տնտեսական քաղաքականությունն ու ձեռքբերումները: Մեր կառավարությունն ամեն ինչ արեց, որ այսօր երկրում տիրեն խաղաղությունն ու կայունությունը, գրանցվի բարձր տնտեսական աճ: Հիշում եմ համավարակի պատճառած հսկայական կորուստներն ու հաջորդած աշխարհաքաղաքական իրականությունը, որն ամենադժվարն է: Զնայած այս երկու հիմնական մարտահրավերներին, մենք վերջին երկու տարիներին ունեցել ենք երկնիչ տնտեսական աճ: Հիշում եմ, որ երկու տարի առաջ երկրում սուր քաղաքական եւ տնտեսական ճգնաժամ էր: Սրան գունարվեց համա-

վարակը, պատվաստանյութերի բացակայությունը: Հակիրճ հիշեցնեմ այն իրավիճակը, որին բախվել էի, բյուջեի գրեթե 10 տոկոսի պակասորդ էր: Երկրի պարտքը ՀՆԱ-ի նկատմամբ կազմում էր ավելի քան 60 տոկոս: Լարիի փոխարժեքը դոլարի նկատմամբ կազմում էր գրեթե 3,4: 6 տոկոս, տնտեսական անկում ունեինք: Մենք պատվաստանյութեր չունեինք, տնտեսությունը լիակատար արգելափակման մեջ էր, եւ դրան ավելացավ քաղաքական ճգնաժամը: Սակայն մեր համակարգված աշխատանքի, կառավարության կողմից ձեռնարկված ճիշտ ու արդյունավետ քայլերի, կառուցողական մոտեցումների արդյունքում, կարողացանք 2021 թվականն ավարտել երկնիչ տնտեսական աճով, թեեւ բավականին իրավասու մարդիկ կանխատեսում էին, որ երկիրը սպասում է դեֆոլտ,- հայտարարեց Իրակլի Ղարիբաշվիլին:

- Այսօր պետք է պակասորդը կազմում է ընդամենը 2,8 տոկոս: Անցյալ տարի գրանցվել է 10 տոկոս տնտեսական աճ: Նշանակալի նվազել է երկրի արտաքին պարտքը, այն հասցվել է համախառն ներքին արտադրանքի 38 տոկոսին: Մեկ շնչի հաշվով համախառն ներքին արտադրանքի բաժինը կազմել է 8 հազար դոլար: Կայունացվել է լարիի կուրսը: Ներկայումս դոլարի նկատմամբ այն տատանվում է 2,60-2,65-ի սահմաններում: Պատմական նվազագույնի է հասցվել գործազրկության, աղքատության մակարդակը եւ, ամենազխալվորը, վերջին երկու տարիների տնտեսական աճը հնարավորություն տվեց երկրի տարադրամային պահուստները հասցնել պատմական առավելագույնի: Ահա հակիրճ երկրի կառավարության կառուցողական եւ համակարգված գործունեության արդյունքների վերաբերյալ,- հայտարարեց Իրակլի Ղարիբաշվիլին:



G20 ԿԵՐՁՆԱԿԱՆ ՓԱՍՏԱԹՂԹԻ ՀՈՒՐՉ ՀԱՄԱՁԱՅՆՈՒԹՅԱՆ ԶԴԱՍԱՆ

Մարտի 1-2-ը Հնդկաստանի մայրաքաղաք Դելիում անցկացվեց G20-ի անդամ երկրների արտաքին գործերի նախարարների հանդիպումը, որին, քսանյակից բացի, մասնակցում էին շուրջ 40 երկրների ներկայացուցիչներ: Քննարկվելիք զլխավոր հարցը Ուկրաինայի պատերազմն էր: Հանդիպման արդյունքներով, վերջնական փաստաթղթի շուրջ մասնակիցները համաձայնության չհասան: Նշենք, որ G20-ի շրջանակներում կայացավ ԱՄՆ պետքարտուղար Էնթոնի Բլինկենի եւ Ռուսաստանի ԱԳ նախարար Սերգեյ Լավրովի կարճատեւ հանդիպումը:

ԹՈՒՐՔԻԱ ԿՐԿԻՆ՝ ԵՐԿՐԱՇԱՐԺ, ԿՐԿԻՆ՝ ՄԱՐԴԱԿՅԻՆ ՁՈՐՇՐ

Փետրվարի 27-ին Թուրքիայում 5,6 մագնիտուդ ուժգնությամբ երկրաշարժ է տեղի ունեցել: Երկրաշարժի էպիկենտրոնը գրանցվել է արեւելքում՝ Մալաթիա նահանգում: Ձոռվել է մեկ մարդ, վիրավորվել՝ 69-ը: Հիշեցնենք, որ փետրվարի 6-ին տեղի ունեցած ուժեղ երկրաշարժի հետեւանքով, վերջին տվյալներով Թուրքիայում մահացել է 44 374 մարդ: Թուրքիայում ավերիչ երկրաշարժից հետո սկսված հետաքննության շրջանակներում, ձեռքակալվել է 184 մարդ: Նրանցից մեկը քաղաքապետ է:

ՄԱՅԻՍԻ 14-ԻՆ ՆԱԽԱԳԱՀԱԿԱՆ ԵՎ ԽՈՐՀՐԱՄԱԿԱՆ ԱՆՏՊՈՒԹՅՈՒՆՆԵՐ ԵՆ

Թուրքիայի նախագահ Ռեջեփ Թայիփ Էրդողանը իշխող «Արդարություն եւ զարգացում» (AKP-ԱԶԿ) կուսակցության խորհրդարանական խմբակցության հետ հանդիպման ժամանակ խոսեց սպասվող համընդհանուր (նախագահական եւ խորհրդարանական) ընտրությունների օրվա վերաբերյալ՝ նշելով, որ մայիսի 14-ին քաղաքացիները կանեն այն, ինչ պետք է:

ՀՈՒՆԱՍՏԱՆ ԵՐՎԱԹՈՒՂԱՅԻՆ ՎՅԱԼՐ՝ ՁՈՐՇՐՈՎ

Հունաստանի հյուսիսում Աթենք-Սալոնիկ ուղեւորատար եւ բեռնատար գնացքների բախման հետեւանքով զոհերի թիվը հասել է 43-ի: Շուրջ 85 մարդ վիրավորվել է, 25-ի վիճակ ծայրահեղ ծանր: Փրկարարներին հաջողվել է մարդատար գնացքից տարհանել 194 ուղեւորի: Ողբերգությունը տեղի է ունեցել փետրվարի 28-ին, կեսգիշերից առաջ, Տեմպե քաղաքի մերձակայքում, Լարիսա քաղաքից ոչ հեռու: Բախման հետեւանքով մի քանի վագոններ դուրս են եկել ռելսերից, առնվազն 3 վագոնում հրդեհ է բռնկվել:

ՄԱՅՐԱՔԱՂԱՔ

ԿԱՆԱԿ ԱԿԱԶԵ. «ՔԱՂԱՔԱՊԵՏԱՐԱՆԻ «ՍՈՎՈՐԻՐ ԵՎ ԱՇԽԱՏԻՐ» ԾՐԱԳՐԻ ԵՐԿՐԱՇԱՐՄԱՆ ԶԲԱՂՎԱԾՈՒԹՅԱՆ ՄԱԿԱՐԴԱԿԸ ԿԱԶՄՈՒՄ Է ՄՈՏ 70 ՏՈՎՈՍ»



Մարտի 2-ին Թբիլիսիի քաղաքապետ Կախա Կալաձեն հանրությանը ներկայացրեց մասնագիտական ուսուցում-վերապատրաստման «Սովորիր եւ աշխատիր» ծրագրի հաշվետվությունը եւ տեղեկատվություն տրամադրեց ծրագրում գրանցվելու վերջնաժամկետի մասին:

- Շատերն ասում են, որ երկրում աշխատանք չկա: Միեւնույն ժամանակ, բիզնես ոլորտը հաճախ չի կարողանում գտնել համապատասխան որակավորում ունեցող աշխատուժ: Ըստ այդմ, մենք մշակել ենք կոնկրետ ծրագիր, որը հնարավորություն է տալիս ցանկացողներին վերապատրաստել տարբեր ոլորտներում, բարձրացնել նրանց արհեստավարժությունը, տրամադրել պետական վկայականներ եւ օգնել նրանց աշխատանք գտնելու հարցում: Մոտ 70 տոկոսը կազմում է այն մարդկանց թիվը, ովքեր վերապատրաստվել եւ աշխատանքի են ընդունվել, թեեւ մենք հնարավորություն ունենք ավելացնել այս թիվը,- ասաց Կախա Կալաձեն եւ հավելեց, որ նշված ծրագրի շրջանակներում դիմորդները կուսումնասիրեն տարբեր բնագավառներ եւ աշխատանքի կանցնեն համապատասխան ուղղությամբ:

տրամադրել պետական վկայականներ եւ օգնել նրանց աշխատանք գտնելու հարցում: Մոտ 70 տոկոսը կազմում է այն մարդկանց թիվը, ովքեր վերապատրաստվել եւ աշխատանքի են ընդունվել, թեեւ մենք հնարավորություն ունենք ավելացնել այս թիվը,- ասաց Կախա Կալաձեն եւ հավելեց, որ նշված ծրագրի շրջանակներում դիմորդները կուսումնասիրեն տարբեր բնագավառներ եւ աշխատանքի կանցնեն համապատասխան ուղղությամբ:

ՕՐԵՆԱԴՐԱԿԱՆ

ԽՈՐՀՐԱՄԱՆ ԶԵՌՆԱՄՈՒՄ ԵՂԱՎ «ՕՏԱՐԵՐԿՐՅԱ ԱԶԴԵՑՈՒԹՅԱՆ ԹԱՓԱՆՑԻԿՈՒԹՅԱՆ» ԵՎ «ՕՏԱՐԵՐԿՐՅԱ ԳՈՐԾԱԿԱԼԻ ԳՐԱՆՑՄԱՆ» ՄԱՍԻՆ ԱՂՄԿԱՀԱՐՈՒՅՑ ՕՐԻՆԱՆԱԽԱԳԾԵՐԻ ՔՆՆԱՐԿՄԱՆԸ

Վրաստանի խորհրդարանի բյուրոյի որոշմամբ, Վրաստանի խորհրդարանը ձեռնամուխ եղավ «ժողովրդի ուժ» շարժման պատգամավորներ Սոզար Սուբարիի, Դիմիտրի Խուրդաձեի, Միխեիլ Դավելաշվիլու, Գուրամ Մաճարաշվիլու, Դաչի Բերախիայի եւ Վիկտոր Զախարիձեի նախաձեռնած «Օտարերկրյա ազդեցության բախանցիկության» եւ «Օտարերկրյա գործակալի գրանցման մասին» օրինագծերի քննարկմանը:

Աղմկահարույց օրինամախագծերը մարտի 2-ին քննարկվեցին խորհրդարանի արտաքին հարաբերությունների եւ պաշտպանության ու անվտանգության կոմիտեի համատեղ նիստում եւ ուղարկվեցին իրավաբանական հարցերի կոմիտե: Ընթացակարգի համաձայն, օրինագծերը պետք է առաջին ընթերցմամբ ներկայացվեն լիազումար նիստում: Օրինագծերը հաջորդ շաբաթ կքննարկվեն լիազումար նիստի ձեւաչափով: Օրինամախագծերի քննարկումն անցավ բուռն քննարկումների, խորհրդարանի շենքի մոտ զանգվածային բողոքի ցույցի պայմաններում: Ցուցարարները մի քանի անգամ փորձեցին ներխուժել խորհրդարանի շենք: Իրավա-

պահները վարչական հողվածներով ձերբակալել են 36 մարդու: Օրինամախագծերի հեղինակների պարզաբանմամբ, արտաքին ազդեցության բախանցիկությունն ապահովելու համար կստեղծվի օտարերկրյա ազդեցության գործակալների ռեգիստր, որտեղ կգրանցվեն բոլոր ոչ կոմերցիոն իրավաբանական անձինք ու լրատվամիջոցները, որոնց եկամուտների ավելի քան 20 տոկոսը ֆինանսավորվում են օտարերկրյա ուժերի կողմից: Գրանցումից խուսափող սուբյեկտների համար նախատեսված են համապատասխան վարչական տույժեր:

ՊԱՏԵՐԱՋՄ

ՀԻՆԳ ՈՒՂՈՒԹՅՈՒՆՆԵՐՈՎ ԵՏ Է ՄՐԿԵԼ 170 ՀԱՐՉԱԿՈՒՄ

Ուկրաինայի Ձինված ուժերի գլխավոր շտաբի տեղեկատվությամբ, վերջին մի քանի օրվա ընթացքում, ուկրաինական Ձինուժը հինգ ուղղություններով ետ է մղել ռուս ագրեսորների 70-ից ավելի հարձակումները: Հաղորդագրության համաձայն, ռուս օկուպանտները շարունակում են իրօրային եւ օդային հարվածները Խարկովի, Պոլտավայի եւ Դոնեցկի մարզերի քաղաքացիական ենթակառուցվածքին: Քաղաքացիական բնակչության շրջանում կան զոհեր:

Կոլոմնայի շրջանի Գուբաստովո գյուղի մոտակայքում գտնվող գազաբաշխիչ կայանի մոտ: Բացի այդ, ռուսական կողմի հայտարարությամբ, ուկրաինական դիվերսանտները Բոյանսկի մարզում կրակ են բացել քաղաքացիական «Նիվա» մակնիշի մեքենայի վրա, որի հետեւանքով զոհվել է մեկ մարդ, իսկ տասնամյա մեկ տղա՝ վիրավորվել: Բացի դրանից, անօդաչու թռչող սարքով հարձակում է իրականացվել սահմանամերձ Սուլչանի գյուղի վրա:

գտնվում է Ռուսաստանի վերահսկողության տակ: Այս անսով սկզբին մահացել է 7 199 խաղաղ բնակիչ: «ՄԱԿ-ի Մարդու իրավունքների զեռագույն հանձնակատար Ֆոլկեր Թյուրքը իր ցավակցությունն է հայտնել Ուկրաինայում պատերազմի մարդկային զոհերի համար, որի հետեւանքով վերջին 12 ամիսների ընթացքում զոհվել է 8006 խաղաղ բնակիչ եւ վիրավորվել 13 287 մարդ»,- ասված է հաղորդագրության մեջ:

ՌՈՒՄԱՍՏԱՆԻ ԱԳՐԵՍԻՎՅԻ ՁՈՐ Է ԴԱՐՉԵԼ 8 ՀԱՋԱՐ ԽԱՂԱՂ ԲՆԱԿԻՉ

ՄԱԿ-ի մարդու իրավունքների դիտորդական առաքելության տվյալներով, անցյալ տարի Ուկրաինա Ռուսաստանի ներխուժումից հետո, ավելի քան 8 000 խաղաղ բնակիչ է զոհվել ռազմական գործողությունների ժամանակ: Հազարավոր խաղաղ բնակիչների մահվան փաստը չի նշվել հատկապես Ուկրաինայի հարավում գտնվող Մարիուպոլ քաղաքում, որն այժմ

ՈՒԿՐԱԻՆԱՅՈՒՄ ՁՈՐԿԵՑ ԹՎՈՎ 37-ՐԴ ՎՐԱՑ ԶԻՆԾԱՌԱՅՈՐԸ

Ուկրաինայում Ռուսաստանի սանձազերծած պատերազմում եւս մեկ վրացի մարտիկ է զոհվել: Գիորգի Նարմանիան զոհվել է Բախմուտի մոտ ծավալված մարտերում: Ի դեպ, Ուկրաինա լայնածավալ ներխուժումից ի վեր՝ 2022 թվականի փետրվարի 24-ից մինչ օրս, զոհվել է 37 վրացի մարտիկ: Ըստ լրատվական գործակալությունների

ՈՒԿՐԱԻՆԱՆ ՍԿՍԵՑ ՀԱՐՎԱԾԵԼ ՌՈՒՄԱՍՏԱՆԻ ՏԱՐԱԾՔԻՆ

Ուկրաինան անօդաչու թռչող սարքերով պատասխան հարվածներ է հասցնում Ռուսաստանի տարածքի խորքում գտնվող կառույցներին: Մասնավորապես, անօդաչու թռչող սարք է հայտնաբերվել Մոսկվայի մարզի

Շաբաթից շաբաթ. Փաստեր եւ իրադարձություններ

ՀԱՂՈՐԳՈՒՄ ԵՆ «ՎՐԱՍԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՅՆԵՐԸ

ԽՈՐՀՐԴԱՐԱՆՈՒՄ

ԿԱՅԱՅԱԿ ԴԱՎԻԹ ՍՈՆՂՈՒՆԿՎԻԼՈՒ ԵՎ ԱՇՈՏ ՍՄԲԱՏՅԱՆԻ ՀԱՆԴԻՊՈՒՄԸ



Մարտի 1-ին Վրաստանի խորհրդարանի ճյուղային էկոնոմիկայի եւ տնտեսական քաղաքականության հանձնաժողովի նախագահ Դավիթ Սոնղոլաշվիլին հանդիպում ունեցավ Վրաստանում Հայաստանի արտակարգ եւ լիազոր դեսպան Աշոտ Սմբատյանի հետ:

Հանդիպմանն անդրադարձ կատարվեց Վրաստանի եւ Հայաստանի միջեւ տնտեսական կապերի խորացմանն ու այս հարցում խորհրդարանների հնարավոր դերակատարմանը: Այս համատեքստում կարելի էր երկու երկրների խորհրդարանների տնտեսական հանձնաժողովների միջեւ համագործակցության զարգացմանը միտված քայլերի ձեռնարկումը:



179 ՀԱՋԱՐ ՆՊԱՍՏԱՌՈՒ ՎՐԱՍԱՆՈՒՄ

Համաձայն Վրաստանի ազգային վիճակագրական ծառայության հրապարակած տվյալների, սոցիալական նպաստ ստացողների թիվը կազմում է 178 հազար 426 մարդ: Ըստ վիճակագրության նրանցից 33.3 տոկոսը կին է, 66,7 տոկոսը՝ տղամարդ: Նույն վիճակագրության համաձայն, սոցիալական նպաստ ստացողների 70,6 տոկոսը հաշմանդամություն ունեցող անձինք են, 12,85 տոկոսը՝ պատերազմի վետերաններ, 12 տոկոսը խնամակալ չունեցողներ, 4,4 տոկոսը՝ պետական փոխհատուցում, իսկ 0,2 տոկոսը՝ այլ տեսակի սոցիալական փաթեթներ ստացողներ:

Սոցիալական նպաստ ստացողների 27,1 տոկոսը ապրում է Թբիլիսիում, 16,6 տոկոսը՝ Իմերեթի երկրամասում, 1,5 տոկոսը՝ Աջարիայում, 9,6 տոկոսը՝ Սամեգրելո-Չեմո Սվանեթի երկրամասում: Այլ շրջաններում ապրում է սոցիալական նպաստառուների 35,2 տոկոսը:

ԿԵՆՍԱԹՈՇԱԿԱՅԻՆ ԱՎՏԻՎՆԵՐԸ՝ ԱՎԵԼԻ ՔԱՆ 3 ՄԻԼԻԱՐԴ ԼԱՐԻ

2023 թվականի փետրվարի 28-ի դրությամբ կենսաթոշակային ընդհանուր ակտիվների արժեքը կազմում է 3,13 մլրդ լարի: Չուտ ակտիվները կազմում են 476 մլն լարի: Կենսաթոշակային սխեմայի մասնակիցների թիվը 1 մլն 377 հազար մարդ: Վերջին տվյալներով՝ կուտակային կենսաթոշակից օգտվել է տարբեր կատեգորիաների 3 159 անձ, որոնց վճարված գումարը կազմում է 8 268 836,39 լարի:

ՏԱՐԱԴՐԱՄԻ ՓՈԽԱՆԱԿՄԱՆ ԿՈՒՐՍԸ (3 մարտի)

Ազգային բանկի կողմից սահմանվել է տարադրամի հետեւյալ կուրսը:

Տարադրամ	Լարի
1 ԱՄՆ ԴՈԼԱՐ	2.6064
1 ԵՎՐՈ	2.7680
100 ՌՈՒՔԼԻ	3.4492
1000 ԴՐԱՄ	6.7103

ԱՅՑ

ՎՐԱՍԱՆՈՒՄ ՀԱՅԱՍՏԱՆԻ ԴԵՄՊԱՆԸ ԲՈԼՆԻՍԻՈՒՄ

Մարտի 2-ին Վրաստանում Հայաստանի արտակարգ եւ լիազոր դեսպան Աշոտ Սմբատյանն այցելեց Բոլնիսի մունիցիպալիտետ, որտեղ հանդիպում ունեցավ մունիցիպալիտետի քաղաքապետ Դավիթ Շերազադաշվիլու հետ:

Հանդիպմանը, որին ներկա էին Քվեմո Քարթվիլի տարածաշրջանի փոխնահանգապետ Կախա Կոբերիձեն, Բոլնիս-Խաչենի գյուղապետ Արմեն Հարությունյանն ու մունիցիպալիտետի սակրեթուլոյի մեծամասնական պատգամավոր Լեւոն Մանուկյանը: Խոսվեց մունիցիպալիտետի ձեռքբերումների եւ հիմնախնդիրների, ինչպես նաեւ Բոլնիսի Հայաստանի քաղաքներից մեկի հետ քույր-քաղաք դառնալու հեռանկարի մասին: Այդ մասին «Վրաստանի» հետ հեռախոսազրույցում պատմեց Բոլնի-

ս-Խաչենի գյուղապետ Արմեն Հարությունյանը:

Նրա խոսքով, հանդիպումից հետո Հայաստանի դեսպանը, Բոլնիսի մունիցիպալիտետի քաղաքապետի ուղեկցությամբ, այցելեց Բոլնիսի հայկական դպրոց, ապա եղավ Կիսնեթի գյուղում: Բոլնիս-Խաչենի գյուղապետարանում Հայաստանի դեսպանը հանդիպեց գյուղի բնակիչների հետ: Խաչենի Ղազարոս Աղայանի տուն-թանգարանում դեսպանը գրառում կատարեց պատվա-



վոր հյուրերի մատյանում եւ համոզմունք հայտնեց, որ Վրաստանի եւ Հայաստանի մշակույթի նախարարությունները համատեղ ջանքերով կիրականացնեն տուն-թանգարանի վերանորոգումը:

ՀԱՆԴԻՊՈՒՄ ԴՊՐՈՑՈՒՄ

«ՄԵԿ ԺԱՄ ՀԵՏԱՔՐԹԻՐ ՀՅՈՒՐԻ ՀԵՏ» ԱՎԱՆԴԱԿԱՆ ՄԻՋՈՑԱՌՄԱՆ ՀՅՈՒՐԸ ՀԱՅԱՍՏԱՆԻ ԴԵՄՊԱՆՆ ԷՐ



Մայրաքաղաքի հայկական կրթօջախում այս ողջունելի նախաձեռնությունը սկիզբ է առել դեռեսս համավարակից

Թբիլիսիի հայկական թիվ 104 հանրային դպրոցը վերսկսեց իր «Մեկ ժամ հետաքրքիր հյուրի հետ» շարքը:

առաջ: Աշակերտների հետ հանդիպման հյուր են դարձել անվանի մարդիկ, այդ թվում՝ բանաստեղծուհի, թարգմանչուհի Անահիտ Բուտանյանը, բանաստեղծ-թարգմանիչ Գիվի Շահնաբադը, «Վրաստան» թերթի գլխավոր խմբագիր Վան Բայբուրթյանը, այլք: Փետրվարի 28-ին հանդիպման գլխավոր

բանախոսը Վրաստանում Հայաստանի արտակարգ եւ լիազոր դեսպան Աշոտ Սմբատյանն էր:

Հարցուպատասխանի ձեւաչափով ընթացող հանդիպմանը դեսպանը պատասխանեց դպրոցի մանկավարժների եւ ավագ դասարանների աշակերտների հարցերին:

Ավարտին Աշոտ Սմբատյանը գրքեր նվիրեց դպրոցի գրադարանին:

ՏԱՐԱԾԱՆԵՐՁԱՆ

ԱՆԱԼՔԱԼԱՔԻ. ՀԱՆԴԻՊՈՒՄ ԵՐԻՏԱՍԱՐԴՆԵՐԻ ՀԵՏ

Փետրվարի 28-ին Ախալքալաքի մունիցիպալիտետի քաղաքապետարանում տեղական ինքնակառավարման մարմինների ղեկավարները հանդիպում ունեցան մունիցիպալիտետի շրջկենտրոնի, ինչպես նաեւ Կաջո, Օլավերո, Խուլզումո, Օրջա գյուղերի երիտասարդների հետ:

Հանդիպմանը երիտասարդները բարձրացրին ճանապարհներին, ջրին, զբոսաշրջությանը, մշակույթին վերաբերող հարցեր: Մասնավորապես խոսվեց երիտասարդներին ամենից շատ հուզող ժամանցային վայրերի բացակայության մասին: Երիտասարդները հանդես եկան նաեւ զբոսաշրջության զարգացմանն ուղղված կոնկրետ առաջարկներով:

Հանդիպմանը մասնակցեցին եւ երիտասարդներին հետաքրքրող հարցերին պատասխանեցին մունիցիպալիտետի քաղաքապետ Մելքոն Մակարյանը, փոխքաղաքապետեր Սկրտիչ Մղդեսյանն ու Թեյմուրազ Մճեղիձեն, Ախալքալաքի քաղաքապետարանի Տնտեսական



զարգացման եւ գույքային ծառայության պետ Սնացական Փանբուխյանը:

ՆԻՆՈՇՄԻՆԿԱՎԱՌԵԼԱՓՅՑ՝ ԳՅՈՒՂԵՐԻ ԲՆԱԿԻՉՆԵՐԻՆ

Նինոծմինդայի մունիցիպալիտետի քաղաքապետարանը՝ որպես վառելավայտ, գյուղերի բնակիչների շրջանում բաժանում է «Բաքու-Թբիլիսի-Կարս» երկաթուղու վերանորոգումից հետո մնացած փայտը:

Ինչպես ասաց Նինոծմինդայի փոխքաղապետ Արմեն Բոդյանը, օգտագործման համար ոչ պիտանի փայտ է, որ չի կարելի օգտագործել որպես շինանյութ, եւ բաժանվում են նրանց, ովքեր վառելիքի կարիք ունեն: Բնակիչները սեփական ուժերով փայտը տեղափոխում են իրենց տներ:

ՄԱՌՆԵՈՒԼԻ. ՀՍՏԱԿԵՑՎԵՑԻՆ «ԳՅՈՒՂԻ ԱԶԱԿՑՈՒԹՅՈՒՆ» ԾՐԱԳՐՈՎ ԻՐԱԿԱՆԱՑՎԵԼԻՔ ԱՇԽԱՏԱՆՔՆԵՐԸ

Մառնեուլիի մունիցիպալիտետում ավարտվեցին «Գյուղին աջակցություն» ծրագրի շրջանակներում հանդիպումները:

Հանդիպումների արդյունքներով տեղացիները հստակեցրին կարելի առաջնահերթություններն ու իրականացվելիք աշխատանքները:

Մասնավորապես, մունիցիպալիտետի Դամիա գուղում հատկացված 122 հազար լարիով կառուցվող մախրոլ տարվա-նից անավարտ մնացած ջրի խողովակաշարի փոխարինման աշխատանքը (Ձարգարից՝ հին գյուղատեղիից հոսող ջրի): 20 հազար լարիով Շահունյան ավանում կառուցվող գերեկային լուսավորության

անցկացման աշխատանքը: Կարմիրգյուղում 16 հազար լարիով կառուցվող խաղահրապարակի բարելավման աշխատանքը: Խոժոռնի գյուղում եւս կառուցվանակվեն գերեկային լուսավորության անցկացման աշխատանքները (16 հազար լարի): Նախատեսված 10 հազար լարիով Բրդաձորում այս տարի կիրականացվի նաեւ 2022 թվականին չիրականացված ծրագիրը՝ կբարելավվեն գյուղ տանող ճանապարհները, գյուղում կկառուցվի ժամանցի սրահ: Գյուլիբաղում 12 հազար լարիով խաղահրապարակը կհարստացվի մոր ատրակցիոններով, նախատեսվում են ներքին հարդարման աշխատանքներ: Ծոփ գյուղում 16 հազար լարիով կառուցվող ավի անավարտ մնացած գերեզմանատան ցանկապատման աշխատանքը: Աղբյուր-փիում կառուցվանակվեն գերեկային լուսավորության անցկացման աշխատանքները (16 հազար լարի): Չանախչի գյուղում կվերանորոգվի «Մշակույթի տունը» (12 հազար լարի): Օփրեթիում եւս կառուցվանակվեն գերեկային լուսավորության անցկացման աշխատանքը (10 հազար լարի): Խոխմել գյուղում կբարելավվեն կենտրոնական հատվածում գտնվող աղբյուրները (10 հա-

զար լարի): Ծերաքվի գյուղում հատկացված 10 հազար լարիով կկառուցվի բացօթյա փոքրիկ հանգստի գոտի: Սիոնիում բացօթյա մարզասրահ կկառուցվի (10 հազար լարի):

«Գյուղի աջակցության» ծրագրի համար 2023 թվականին կենտրոնական բյուջեից Մառնեուլիին հատկացվել է 1 մլն 232 հազար լարի: Գումարը բաշխվել է գյուղերին՝ ըստ բնակչության թվի: Յուրաքանչյուր գյուղի համար նվազագույն գումարը 10 հազար լարի է, իսկ առավելագույնը՝ 20 հազար լարի:

Էջը պատրաստեց ՅՈՒՐԻ ԽՈՐԵՆՅԱՆԸ

ԴԻՐՔՈՐՈՇՈՒՄ

ՄԻԽԵԻԼ ՍԱՐՁՎԵԼԱՁԵ. «ՀԱՄՈՉՎԱԾ ԵՄ, ՍԽԱԼ ՀԱՅՏԱՐԱՐՈՒԹՅՈՒՆՆԵՐ ԵՆ, ՈՐ «ԺՈՂՈՎՐԴԻ ՈՒԺԻ» ՕՐԻՆԱՆԱԽԱԳԾԵՐԸ ՀԱՎԱԺՈՂՈՎՐԴԱՎԱՐԱՎԱՆ ԵՆ»



«Վրացական երազանք» կրասկզության անդամ, խորհրդարանի Մարդու իրավունքների կոմիտեի նախագահ Միխեիլ Սարձվելաձեի խոսքով, «Ժողովրդի ուժ»-ի կողմից սկսված նախաձեռնած օրինանախագիծն ավելի դյուրացված էր: Ապա հաստատվեց այն մոդելը, որը գործնականում հանդիսանում է ԱՄՆ-ում գործող նույնանման օրենքի անմիջականորեն քարգանառությունն ու այն մեկնաբանություններն էր, որ ուղեկցվում էր նախաձեռնության նախնական տարբերակները:

- Բոլորը կունենան ընտրություն կատարելու հնարավորություն, թե ո՞ր տարբերակն են պաշտպանելու, ի՞նչ դիրք են գրավելու: Ինչպես երեւում է, դա քաղաքական գործընթացի մաս է: Ինչ վերաբերում է բովանդակությանը եւ «Վրացական երազանքի» աջակցությանը, ցույց կտան իրադարձությունների զարգացումն ու բանավեճերը, որոնք կտարվեն օրինանախագծերի կապակցությամբ: Կունենանք բանավեճեր, քննարկումներ:

Ինչ վերաբերում է ԵՄ արտաքին քաղաքականության եւ անվտանգության հարցերով Բարձր ներկայացուցիչ ժոզեֆ Բորելի արձագանքին, ապա չգիտեմ, թե որքանով է նա տեղեկացված կամ որքանով է ծանոթացել տեքստի հետ, բովանդակությանը, որքանով է հաշվի առել այն հանգամանքը, որ նախաձեռնած երկրորդ օրինանախագիծը, որը ԱՄՆ-ում գործող օրենքի ստույգ քարգանառությունն է:

Իսկ ինչ վերաբերում է նախաձեռնության նախնական տարբերակին, ապա այն ավելի դյուրացված է: Այս պարագայում, համոզված եմ, հայտարարություններն այն մասին, թե իբր դրանք հակաժողովրդավարական են, արդարացի չեն: Հավանաբար, լավ կլիներ, եթե խորհրդատվությունները շարունակվեին, այդ թվում՝ եվրոպական գործընկերների հետ եւ ստույգ տեղեկատվություն փոխանցեց, թե ինչ նախաձեռնությունների մասին է խոսքը: Այդ առումով հատկանշական է պատգամավոր Խատիա Դեկանոիծեի գրառումը երկրորդ օրինանախագծի կապակցությամբ: Ինչպես երեւում է՝ նա ինչ-որ տեղից գտել է օրենսդրական նախաձեռնությունը եւ կարդացել է, քանի որ գրառման բովանդակությունը այդ մասին է վկայում: Սա ապացուցում է մեր ընդդիմության վերաբերմունքը բարձրացվող հարցերի նկատմամբ՝ նրանք ունեն նախօրոք պատրաստած «պատասխան կլիշեներ»: Նրանց նպատակն է ինչ-որ կերպ թյուրիմացության մեջ զգել ընտրողներին ու բնակչությանը, - «Վրաստանի» հետ զրույցում ասաց Միխեիլ Սարձվելաձեն:

ՄՇԱԿՈՒՅՑ

ՀՈՎՀԱՆՆԵՍ ՀԱՄԱՐՁՈՒՄՅԱՆ. «ՉԶԱՐՄԱՆԱՔ, ՊԱՇՏՈՒՄ ԵՄ «ՈՉ» ԲԱՌԸ...»

- Ոչինչ չի փոխվել,- տասն անցնող տարիների ընդմիջումից հետո մտնելով «Վրաստան» թերթի խմբագրություն, ասում է Հովհաննեսը: Այս սեղանի շուրջ Ջուլիետա Բաղայանի հետ խոսում էինք թբիլիսիի Սուրբ Էջմիածին եկեղեցում իմ առաջին մենահամերգի մասին...

Գերմանիայի Մյունխեն քաղաքից ժամանած 30-ամյա Հովհաննես Համբարձումյանը նորից ծննդավայրում է: Հրեական ցեղասպանությանը՝ Հոլոքոստին, նվիրված նրա «Արյուն» ստեղծագործությունն ընթացիկ տարվա փետրվարին հաղթել է Վրաստանի կոմպոզիտորների առաջին ազգային մրցույթում ու հիմա թբիլիսիի Ջանսուղ Կախիձեի անվան երաժշտական կենտրոնում ներկայացվելու էր համրությանը: Ժամանակին «Վրաստան» թերթը գրել էր խոստումնալից երիտասարդի, այսօր արդեն գրելու էր կայացած դիրիժորի ու երգահանի մասին:

«Թվում էր, թե մորս երգը չեմ սիրում...» Ամեն երեխա իր տարօրինակություններն ունի, բայց եթե խորանանք, երեւի կհասկանանք, որ այդ տարօրինակությունը հուշում է ապագայի մասնագիտությունը: Հովհաննեսի մայրը տնային տնտեսուհի էր, հայրը՝ Ռաֆայել Համբարձումյանը, բալետի պարող էր թբիլիսիի եւ Մոսկվայի Օպերայի ու բալետի թատրոններում, այնուհետեւ թբիլիսիում հայտնի պարահանդեսային պարուսույց: Հովհաննեսը հաճախում էր Վակե թաղամասում գտնվող թիվ 56 դպրոցը, իսկ 4 տարեկանից նաեւ հոր ասան էր՝ մասնակցելով ու հաղթելով պարահանդեսային պարերի տեղի ու միջազգային տարբեր մրցույթներին: - Երբ ծայրային բնատուր տաղանդով օժտված մայրս խոհանոցում հայկական ժողովրդական էր երգում, ես ընթրտանում էի,- պատմում է Հովհաննեսը: Ի՞նչ գիտե՞ս, միգրացե նուտաների սխալ շեշտադրում էի տես-

ԳՈՐԾՈՂՈՒԹՅՈՒՆՆԵՐԻ ԾՐԱԳԻՐ

ՀԱՇՏԵՅՄԱՆ ԵՎ ՔԱՂԱՔԱՅԻՎԱՆ ԻՐԱՎԱՀԱՎԱՍԱՐՈՒԹՅԱՆ ՊԵՏՆԱԽԱՐԱՐԸ ԾՈՒՂՐՈՒԹ ԳՅՈՒԴԻ ՆՈՐԱԿԱՌՈՒՅՑ ՄԱՆԿԱՊԱՐՏԵԶԻ ՀՅՈՒՐՆ ԷՐ

Վրաստանի հաշտեցման եւ քաղաքացիական իրավահավասարության պետնախարար Թեա Ախվլեղիանին, Սամցխե-Ջավախեթի կատարած աշխատանքային երկօրյա այցի շրջանակներում, Ախալցխեթի պետական համալսարանում հանդիպում ունեցավ երիտասարդների հետ եւ եղավ Ծուղրութ գյուղի մանկապարտեզում:



Ուսանողների հետ հանդիպմանը Թեա Ախվլեղիանին խոսեց գերատեսչության գործունեության երկու գլխավոր ուղղությունների՝ հաշտեցման եւ ներգրավման պետական քաղաքականության, ինչպես նաեւ քաղաքացիական իրավահավասարության ու ինտեգրման պետական քաղաքականության շրջանակներում սահմանված առաջնահերթությունների, խնդիրների եւ նպատակների մասին ու ներկայացրեց նոր նախաձեռնությունները:

Երիտասարդության համար 2023-2024 թվականների գործողությունների ծրագրի շրջանակներում, պետնախարարը կարեւորեց երիտասարդության ակտիվ ներգրավվածությունը խաղաղության քաղաքականության եւ քաղաքացիական ինտեգրման գործընթացում:

Հանդիպմանը քննարկվեցին կոնկրետ նախաձեռնություններ, այդ թվում՝ պետական նախարարի աշխատակազմի երիտասարդների համար սահմանված խաղաղության մրցանակը, որը մեծ հետաքրքրություն է առաջացրել ուսանողների շրջանում:

Տարածաշրջանային այցի շրջանակներում, պետնախարարը եղավ Ախալցխեթի մունիցիպալիտետի Ծուղրութ գյուղի ազգային փոքրամասնությունների ներկայացուցիչ 90 երեխայի համար նախատեսված նորակառույց մանկապարտեզում: Թեա Ախվլեղիանին խաղաղքներ նվիրեց մանկա-

պարտեզի երեխաներին եւ հանդիպում ունեցավ նրանց ծնողների ու դաստիարակների հետ:

- Սամցխե-Ջավախեթի տարածաշրջան մեր այսօրվա այցի նպատակը եւ հիմնական թեման կապված է կանանց ու երիտասարդների աջակցելու, նրանց ներգրավվածության խթանման եւ պետության երկու ուղղություններով քաղաքականության իրականացման գործընթացում նրանց դերի բարձրացման հետ: Այցելեցինք նաեւ Ծուղրութի նորակառույց մանկապարտեզը, որը նախատեսված է երեք գյուղերի 90 երեխայի համար: Նշեց, որ հաջորդ տարվանից մանկապարտեզում կներդրվի նախադպրոցական կրթության երկլեզու մեթոդ, որը կենտրոնանալու է ազգային փոքրամասնություններ ներկայացնող երեխաների համար վրացերենի ուսուցման վրա, ինչը քաղաքացիական իրավահավասարության հիմնական առաջնահերթություններից է,- նշել է Թեա Ախվլեղիանին:

Հանդիպմանը մասնակցել են Սամցխե-Ջավախեթի տարածաշրջանի պետական ներկայացուցիչ Բեսիկ Ամիրանաշվիլին, տեղական ինքնակառավարման մարմինների ներկայացուցիչներ:

ԹԵԱ ԱԽՎԼԵՂԻԱՆԻ. «ԱՉՎԱՅԻՆ ՓՈՔՐԱՄԱՍՆՈՒԹՅՈՒՆՆԵՐԻ ՀԱՄԱՐ ՍՏԵՂԾՎԵԼ ԵՆ ԱՎԵԼԻ ԼԱՅՆ ՀՆԱՐԱՎՈՐՈՒԹՅՈՒՆՆԵՐԻ»

(Սկիզբը՝ 1-ին էջում)

տասխաններ: Նշված միջոցառումը, որին մասնակցեցին նաեւ Նյու-դային նախարարությունների ներկայացուցիչներ, անցկացվեց Եվրամիության եւ Մարդու իրավունքների գերագույն հանձնակատարի գրասենյակի (OHCHR) աջակցությամբ:

- 2023 թվականից մենք անցնում ենք քաղաքացիական իրա-

վահավասարության եւ ինտեգրման 10-ամյա պետական ռազմավարության իրականացման երկրորդ երկամյա փուլ, որի շրջանակներում նախատեսվել են հասնել բավականին հավակնոտ, հետագա, նշանակալի առաջընթացի, ստեղծել ավելի լայն հնարավորություններ ազգային փոքրամասնությունների ներկայացուցիչների համար, ինչպիսիք են պետական լեզվի իմացության մակարդակի բարձրացումը եւ որակյալ կրթության հասանելիությունը, ինչպես նաեւ քաղաքացիական մասնակցության, տնտեսական ինտեգրման եւ միջմշակութային երկխոսության զարգացման ուղղությամբ: Պետության ջանքերին զուգահեռ կարելու ենք համարում հանրային լայն ներգրավվածությունը մեր աշխատանքում,- ասաց պետնախարար Թեա Ախվլեղիանին:

խորագիրը պատրաստեց ԱՐԵՎԻԿԱ ՄԱՆՈՒԿՅԱՆԸ

տահույնում ներշնչեց, ապա ուղեկցեց դեպի թբիլիսիի պետական կոնսերվատորիա, որից հետո տրոմբոնի բաժնում մասնագիտացող առաջին կուրսն ավարտող Հովհաննեսին ստիպեց ընդունվել կոմպոզիցիայի բաժին ու ուսումնառումը սկսել նորից՝ առաջին կուրսից: Այդ կարծ ժամանակահատվածում նրան թավջութակի վրա նվագել սովորեցրեց: Հովհաննեսը սկսեց նվագել Կոնսերվատորիայի սիմֆոնիկ, ապա՝ Ազգային պետական նվագախմբերում: Հենց Բաբլումյանի երաշխավորությամբ նաեւ, թբիլիսիի պետական կոնսերվատորիայի ուսանողը Հայ Առաքելական Սուրբ եկեղեցու Վիրահայոց թեմի «Հայարտուն» կենտրոնում դեկավարեց «Մակար Եկմալյան» երգչախումբը: Եվ, վերջապես, հենց Հենրիխ Բաբլումյանի «կարգադրությամբ» Հովհաննես Համբարձումյանը թունանյանի քառյակներից մեկի հիման վրա գրեց իր առաջին երաժշտական ստեղծագործությունը՝ «Պատարագը», որը առաջին անգամ հնչեց թբիլիսիի Սուրբ Էջմիածին տաճարում: Հետագայում այս գործը ներկայացվեց նաեւ Ֆրանսիայում, այլ երկրներում, իսկ իր հեղինակությանը թունանյանի քառյակներով գրված երգերը հասան հինգի...

«Ցավում եմ, որ գործադրածս ջանքերն ապարդյուն անցան եւ Հայոց Ցեղասպանությանը նվիրված այս գործն այդպես էլ չհնչեց Հայաստանում»: Բայց, առաջին ուսուցիչս ներարկել է նաեւ համբերություն, համառություն ու... կոշտություն, որն օգնում է դիմակայել կյանքի դժվարություններին,- ժպիտով ասում է Հովհաննեսը:

2014-ին Հովհաննեսն ավարտեց թբիլիսիի կոնսերվատորիան եւ մեկ տարի անց, ուսումնառության մեկնեց Մյունխեն:

(Շարունակությունը՝ 5-րդ էջում)